

Vnd wer weiter von disen Kriegserfahrenen Weibern bescheide
wissen wil/lese varias lectiones P. Messiaë, parte 1. cap. 10, vnnnd des
M. Cyriaci Spangenbergers Adels Sptegel, lib. 13. cap. 15. bis zum
end.

Caput VI,

Von den Wunderbaren Leuten/so in Guiana zu finden.

Von der Proutnz Ivvaipanoma im Königreich
Guiana, zwischen dem See Casipa, vnd dem grossen
See Parime gelegen/bezeugt Herr Raleigh, inn dem
hievorin gemelten Büchlein (wie Iodocus Hondi-
us in seiner offtgedachten Landt Taffel/ mit fleiß an-
zeigt) das es alda eine art von Menschen oder Leut
habe/so ohne Hals vnd Köpff sein/dann ire Augen
vnd andertheil des Angesichts/auff ihrer Brust ste-
hen/sein sonst starcke/wüste/Barbarische Leut.

Ob wol diß von vielen mehr für ein Märlein als für ein warheit
gehalten möchte werden / So wissen wir doch/ das viel glaubwürdige/
treffliche/gelehrte Leut/vns in iren Schrifften hinterlassen haben/ das
solche Leut auch vorzeiten in Asia gefunden sein worden.

Lib. 7. Cap. 2.

Plinius Secundus, so in zeiten Kaysers Vespasiani gelebt/schrei-
bet in seinen Natürlichen Historien/das gegen Abend / an dem Berg
Milo